

Kako registrovati firmu?

Želite registrovati firmu?

Znate li kako?



Pročitajte kako najlakše i najbrže možete registrovati firmu. Pročitajte šta Vam je sve potrebno u proceduri registracije.

Sljedite jedanaest koraka prilikom registrovanja privrednog subjekta i za veoma kratko vrijeme ostvarite svoj cilj.



Okružni privredni sud
Istočno Sarajevo

Ulica: Dabrobosanska 22
71123 Istočno Sarajevo
Republika Srpska
Bosna i Hercegovina

Telefon: +38757316040

Fax: Lokal 113

E mail: okpsud-istocnosarajevo@pravosudje.ba

Website: okprivsud-istocnosarajevo.pravosudje.ba

Okružni privredni sud



Istočno Sarajevo



Kako registrovati firmu?

Jedanaest koraka do
Vaše firme

Registracija privrednog subjekta u jedanaest koraka

1.

Prvi korak kod osnivanja firme jeste obraćanje notaru pošto osnivačka akta svih privrednih društava moraju biti notarski obrađena. Prvi korak podrazumjeva obraćanje notaru sa kopijom lične karte, te dogovor oko imena budućeg privrednog društva. Mogućnost određivanja notar provjerava u sudskom registru.



2.

Lične dokumente (ličnu kartu ili pasoš) dostavljate u ovjerenjima u prilogu prijave za registraciju. Kopije istih možete ovjeriti kod notara ili u opštini u zavisnosti od dostupnosti istih. Takođe je neophodno izvršiti ovjeru potpisa lica ovlaštenog za zastupanje koju možete izvršiti kod notara ili u opštini u zavisnosti od dostupnosti istih.



3.

Podrazumijeva posjetu banci u cilju otvaranja privremenog računa, te polaganja na isti minimalnog iznosa osnovnog kapitala od 1.000 KM - minimum za d.o.o. Napomena : dokumentacija koja je potrebna u Banci: kopija osnivačkog akta, kopija lične karte osnivača, procedura u Banci je besplatna.



4.

Podrazumjeva provjeru da li postoji dug u Centralnom registru novčanih kazni. Podnošenje zahtjeva i uplata sudske takse u iznosu od 15,00 KM u nadležnom osnovnom sudu za fizička lica, odnosno u Okružnom privrednom sudu za pravna lica. Napomena : Kako većina Okružnih privrednih sudova ima uvid u bazu Centralnog registra novčanih kazni utoliko pojedini sudovi ne traže Uvjerenje da ne postoji dug kao uslov upisa, ali je poželjno da stranka dostavi isto ako želi ubrzati postupak upisa.

5.

Ako odlukom o osnivanju društva nije imenovano lice ovlašteno za zastupanje neophodno je sačiniti posebnu odluku.

6.

Nakon što osnivači prikupe u predsudskom postupku isprave i odluke potrebne za osnivanje privrednog društva pristupa se upisu društva u sudski registar. Popunjava se prijava koja predstavlja formularni obrazac i koja se može preuzeti u pisarnici sudskog registra, a u prilogu iste se dostavljaju prikupljene odluke i dokumenti čime je iniciran postupak upisa. kom registru.



7.

Subjekt upisa je dužan sudu prilikom podnošenja prijave za upis u sudski registar dostaviti sudu dokaz o uplati takse u iznosu od 100,00 KM (50,00 KM na prijavu i 50,00 KM na obradu oglasa). Nakon izvršenog upisa u sudski registar uplaćuje se preostali iznos sudske takse. Za upis osnivanja d.o.o. uplaćuje se sudska taksa u iznosu od 400,00 KM, ako će društvo obavljati vanjskotrgovinsku djelatnost uplaćuje se dodatna taksa u iznosu od 300,00 KM.

8.

Nakon dobijanja rješenja iz suda pristupa se izradi pečata koji se izrađuje u ovlaštenoj pečatoreznici. U prilogu zahtjeva za izradu pečata dostavlja se kopija sudskog rješenja i original na uvid.



9.

Po dobijanju rješenja o registraciji obratiti se Poreskoj upravi sa posebnim zahtjevom kako bi izdala Uvjerenje o dodijeljenom JIB broju. U prilogu zahtjeva dostavlja se ovjerena kopija sudskog rješenja i MTU obrazac .

10.

Nakon što poslovni subjekt dobije poreski – JIB broj podnosi zahtjev Republičkom zavodu za statistiku RS u cilju dobijanja statističkog broja i razdvajanja po klasifikaciji djelatnosti. U prilogu zahtjeva dostavljaju se ovjerene kopije rješenja o registraciji i Uvjerenja o poreskom broju.



11.

Nakon dobijenog Poreskog i Statističkog broja obraća se jednoj od Banaka u cilju otvaranja žiro računa.



KRAJ

**“Jedanaest koraka do
Vaše firme!”**

